


會學聖子志
進則道是
★ MAY 27 1928 ★
認則請非
殿七千五德道演身容牛隆合國

土岐文庫
文庫17
W84
46



文庫 17
WPA
卷六



唐詩卷集卷之二 續佳木

宜豐黃六鴻思齋註釋



上谷李時潤榮園增訂

子 權平山 校字

應試

御箭連中雙兔 以下俱六韻

蘇頌

宸遊經上苑。羽獵向閒田。狡兔初迷窟。纖驪詎著鞭。
三驅仍百步。一發遂雙連。影射含霜草。魂離向月弦。
歡聲動寒木。喜氣滿晴天。那似陳王意。空垂樂府篇。
閒田見禮記王制國策狡兔有三窟李斯文乘纖驪之馬詎著鞭言不待鞭策而自疾馳三驅說見

唐詩卷集 卷之二 五言六韻

010185187379

昭和六十年二月一日贈
蘇頌詩卷集卷之二

易比卦 一發見詩召南曹植名都篇 一縱兩禽連
按上有雙兔過我前句此兩禽即兔也凡獸俱可稱
禽易曰從禽
禮曰獲禽

凡試題官不限韻者例取題中平聲字為韻仍必
明押其字如此題之連字璧池望秋月之秋字是
也是為正格

○ 璧池望秋月

張子容

涼夜窺清沼。池空水月秋。滿輪沉玉鏡。半魄落銀鈎。
蟾影搖輕浪。菱花渡淺流。漏移光漸潔。雲歛色偏浮。
似璧悲三獻。疑珠怯再投。能持千里意。來照楚鄉愁。

菱花鏡名韓子楚人和氏得玉璞獻武王王以為詐
別其左足及獻文王又別右足成王立和乃抱璞而
哭王命攻之累得玉 投珠詳後暗投明珠注 能
猶言可能月賦隔千里今共明月

結用干請唐人習氣但作者失之無品閱者亦恐
有嫌何如頌揚明聖之為得也

長安早春

張子容

開國移東井。方城啓北辰。咸歌太平日。共樂建寅春。
雪盡黃山樹。水開黑水津。草迎金埒馬。花待玉樓人。
鴻漸看無數。鶯歌聽欲頻。何當桂枝擢。還及柳條新。
史記東井者秦分也 黑水見書禹貢 晉郗詵舉
賢良方正第一自云桂林一枝荆山片玉見世說

賦得秋日懸清光

江淹望荆山詩寒郊無留影秋日懸清光

王維

寥廓涼天靜。晶明白日秋。圓光含萬象。碎影入閑流。迥與青冥合。遙同江甸浮。晝陰殊衆木。斜影下危樓。

宋玉登高怨。張衡望遠愁。餘輝如可托。雲路豈悠悠。

孫綽賦太虛遼廓而無闕楚詞據青冥而撫虹正天也陰影也殊賸光說謂散殊衆木之形登高怨用宋玉九辨意望遠愁用張衡四愁詩意

尚書都堂瓦松

通典唐龍朔二年改尚書省為中臺神龍初復為尚書省都堂

居中左右分司晉陽雜俎土木氣噴則瓦生松

李華

華省秘仙蹤。高堂露瓦松。葉因春後長。花爲雨來濃。影混鴛鴦色。光含翡翠容。近天忻所寄。拔地歎無從。接棟臨雙闕。連薨蓋九重。寧知深澗底。霜雪歲兼封。

潘岳秋興賦獨展轉于華省鴛鴦翡翠皆瓦名

海上生明月

李華

皎皎秋中月。團團海上生。影開金鏡滿。輪抱玉壺清。漸出三山上。將凌一漢橫。素娥嘗藥去。烏鵲繞枝驚。照水光偏白。浮雲色最明。此時堯砌下。莫莢正敷榮。

史記封禪書蓬萊方丈瀛洲三神山在渤海中淮南子羿妻竊不死之藥以奔月宮爲姮娥魏武帝詩月

明星稀烏鵲南飛繞樹三匝無枝可依帝王世紀堯時莫羨生于庭十五前日生一葉十五後日落一葉
頌揚作結最為得體

求自試但用題韻不押題字

竇常

仙禁祥雲合高梧彩鳳遊沉冥求自試通鑒有誰收

文墨無青眼詩書誤白頭陳王抗表日毛遂請行秋

大錄迷雷雨司空問斗牛希垂拂拭惠感激願相投

晉書阮藉能為青白眼意所可者則以青眼視之陳思王植有求自試表國策平原君合從於楚毛遂請行尚書納於大麓孔傳言使舜大錄萬機之政也雷次宗豫章記有紫氣見斗牛間張華聞雷煥達緯象乃問之曰是寶物之精在豫章豐城遂以煥為豐城令掘得二劍斗牛氣遂滅後劍躍入水化為龍

豈第三句全點題句韻字不必明押即或當時官

限如是亦未可知特非例耳

府試古鏡

官限平韻其限字不可考

李益

舊是秦時鏡今藏古匣中龍盤初挂月鳳舞欲生風

硯滴方諸水庭懸軒帝銅應祥知道秦監物覺神通

肝膽誠難隱妍蚩信易窮幸依君子室長得免塵蒙

西京雜記咸陽宮方鏡高五尺九寸能照見心膽虞信鏡賦鏤五色之盤龍又鳳倚花中周禮司烜氏注方諸鏡屬取水類載軒轅氏作古鏡十二枚尚書帝命期桀失玉鏡注喻清明之道也

玉壺冰

鮑照白頭吟直如朱絲繩清如玉壺冰

王季友

玉壺知素潔。止水復中澄。堅白能虛受。清寒將自凝。

分形同曉鏡。照物掩宵燈。璧映圓光徹。人驚爽氣凌。

金罍何足貴。瑤席幾回升。正值求珪瓚。提攜共飲冰。

分形分別衆形也。金罍見詩周南。楚詞瑤席兮玉瑱。盍將把兮瓊芳。

清明日賜百寮新火

韋慎微咸鎬故事。清明日尚食內園官小兒於殿前

關鎖新火。先進者賜絹三疋。尋以新火賜宰臣以下。

鄭 轅

改火清明候。優恩賜近臣。漏殘丹禁曉。燧發白榆新。
瑞彩來雙闕。神光煥四隣。氣回候第。燠散帝城春。
利用調羹鼎。餘輝燭搢紳。皇明如照隱。願及聚螢人。

論語改火何晏注。春取榆柳之火。四隣見虞書。益稷。晉書輿服志。搢紳之士者。搢笏而垂紳帶也。

沉珠於泉

東都賦。捐金於山。沉珠於淵。陸賈新語。舜捐珠於五湖之淵。以塞滯邪之

路按淵改泉。避高祖廟諱。

獨孤綬

至道歸淳朴。明珠被棄捐。失真來照乘。成性却沉泉。
不是靈蛇吐。非緣合浦還。岸旁隨月落。波底共星懸。
致遠終無脛。懷貪遂息肩。欲知恭儉德。所寶在惟賢。
失真即太璞不完意。謝承後漢書。孟嘗為合浦太守。郡舊採珠。先時二千不貪。穢珠忽徙去。嘗化行一年。去珠復還。列子。珠玉無脛而走。

賦得花發上林

三輔故事。上林連綿四百里。

表

上苑春何早。繁花已滿林。笑迎明主仗。香拂美人簪。
地接樓臺近。天垂雨露深。晴光來戲蝶。夕景動棲禽。
欲托凌雲勢。先開捧日心。試看桃李樹。何處不成陰。
摯虞賦夕景
潛而且融

曉過南宮聞太常清樂 陸贄

南宮聞古樂。拂曙聽初驚。烟靄遙迷處。絲桐暗辨名。
節隨新律改。聲帶緒風輕。合雅將移俗。同和自感情。
遠音兼曉漏。餘響過春城。九奏明初日。寥寥天地清。
離騷賦秋冬之緒風揚雄長揚賦歌投
頌吹合雅周禮九奏乃奏謂之九成

西戎獻馬 唐會要貞觀二十一年周 存

天馬從東道。皇威被遠戎。來參八駿列。不假二師功。
影別流沙路。嘶迎上苑風。望雲時蝶足。向月每開驥。
稟異才難敵。標奇志豈同。驅馳如見許。千里一朝通。
漢書禮樂志天馬來歷無草徑千里循東道
穆王八駿絕地翻羽奔霄起影躡輝超先奔霧挾翼
漢書李廣利爲貳師將軍伐大宛求善馬

小苑春望宮池柳色 張彙

小苑春初至。皇衢日更清。遙分萬條柳。迥出九重城。
隱映龍池潤。參差鳳闕明。影宜宮雪曙。色帶禁煙晴。

深淺殘陽變。高低曉吹輕。年光正可折。欲寄一枝榮。

史記建章宮東鳳闕高二十丈

閏月定四時

見尚書堯典

羅讓

月閏隨寒暑。疇人定職司。餘分將考日。積算自成時。

律候行宜表。陰陽運不欺。氣熏灰琯驗。數劫卦辭推。

六歷文明序。三年步暗移。當知歲功立。惟是奉無私。

程大昌演繁露。疇人者籌人也。以算數名。後漢律歷志。為一月之餘。以除一歲日。為一月之數。月之餘分。積滿其法。得一月。月成。則其歲月大置。十二中以定月位。有朔而無中者。以為閏月。太元經。調律者。度律為瑄。葭莩為灰。書孔傳。歷象日月星辰。有文明之序。故以閏三年推步。與三年大比相照。

南至日。隔霜伏望。含元殿。爐烟。王良士

抗殿疏龍首。高臺接上元。節當南至日。星是北辰天。

霜戟羅仙仗。金爐引御烟。氤氳雙闕麗。縹緲九門連。

拂曙祥光滿。分晴瑞色鮮。一陽今在歷。引領仰陶甄。

西都賦。疏龍首以抗殿。南史。梁武帝紀。仰迫上元之眷。

吳宮教美人戰

史記孫武以兵法見吳王。王出宮中。美人孫子分為二隊。以王

寵姬為隊長。約束而鼓之。婦人笑復三令五申。而鼓之又笑。孫子乃斬隊長二人。以徇吳

王知孫子能用兵卒以為將

林藻

強吳矜霸畧。講武在深宮。玉貌承軍法。龍韜試女戎。

揮戈羅袖卷。擐甲汗粧紅。掩笑分旗下。含羞入隊中。鼓停行未整。刑舉令方崇。自可威隣國。何勞騁戰功。

太公六韜 一日龍韜

○ 中和節詔賜公卿尺

裴 度

陽和行慶賜。尺度及羣公。荷寵承佳節。傾心立大中。短長思古製。遠近貴攸同。共仰財成德。將酬分寸功。作程施有政。垂範播無窮。願續延洪壽。千春奉聖躬。
尚書天降剖于我家不少延洪惟我勿冲人孔傳以延洪作句釋云延長也洪大也借尺意以祝聖壽最有關合後人改南山遂成套句

○ 禮部試早春殘雪

姚 康

微暖春潛至。輕明雪尚殘。銀鋪光漸濕。珪破色仍寒。無柳花常在。非秋露正團。素華浮轉薄。皓質駐應難。幸得依陰處。偏宜帶月看。玉塵銷欲盡。窮巷起袁安。
謝惠連雪賦既因方而為珪梁何遜詩若逐微風起誰云非玉塵汝南先賢傳袁安字邵公大雪積地丈餘洛陽令行至其門無有路令人除雪入戶見安僵卧問何以不出曰大雪人皆餓不宜于人令以為賢舉孝廉

青雲子呂

東方朔十洲記天漢三年月氏國獻神香使者曰國有常占東風入律百

句不休青雲子呂連月不散意中國有好道之君乎

令狐楚

郁郁復紛紛。青霄于呂雲。色令天下見。候向管中分。
遠。覆。無。人。境。遙。彰。有。道。君。瑞。容。驚。不。散。冥。感。信。稀。聞。
湛。露。羞。依。草。南。風。耻。帶。熏。恭。惟。漢。武。帝。餘。烈。尚。氛。氲。

更記郁郁紛紛蕭索輪囷是謂慶雲

謝真人仙駕過舊山

仙經有謝仲初真人得道還山事

范傳正

塵蓋來仙府。笙歌入舊山。水流丹竈缺。風起草堂關。
白鹿行為衛。青鸞舞自閑。種松鱗未老。移石蘚仍斑。
望路烟雲外。迴輿嶺岫間。笑他遼海上。空見羽衣還。

水經注衛叔卿嘗乘雲車駕白鹿俗謂記赤色者鳳青色者鸞抱朴子松樹三千歲筱甲如龍形搜神記遼陽城東門有華表柱忽有白鶴來集日有鳥有鳥丁令威去家千歲今來歸城郭如故人民非

制試賦得春風扇微和

咸通中宏詞科題毛西河云此名制科進士今

以禮部試稱制科非是陶淵明擬古詩日暮天無雲春風扇微和

張彙

木德生和氣。微微入曙風。暗催南向葉。漸翦北歸鴻。
澹宕侵冰谷。悠揚轉蕙叢。拂塵迴廣路。吹籟過遙空。
蹶上烟光際。雲移律候中。扶搖如可借。從此戾蒼穹。

水經注蕭若冰谷楚詞光風轉蕙汎崇蘭些

賦得春風扇微和

豆盧榮

春晴生縹緲。軟吹和初遍。池影動波瀾。山容發蔥蒨。
遲遲入綺閣。習習流芳甸。樹杪颺鶯啼。階前落花片。
韶光恐閒放。旭日宜遊宴。文客拂塵衣。仁風願迴扇。

江淹詩丹嶽被蔥蒨
謝朓詩雜英滿芳甸

此與張謂之落日山照耀郭邕之洛出書皆題中
有平聲字而故用仄韻者在唐人原有平仄用韻
之例要不可效

省試觀慶雲圖

唐德宗時澤州刺史李錫上慶雲圖

李行敏

練素傳休祉。丹青壯慶雲。非烟凝漠漠。似蓋乍紛紛。
尚駐從龍意。全舒捧日文。光因五色起。影向九霄分。

垂象留嘉瑞。披圖賀聖君。寧同窺汗漫。方此覩氛氲。

易通卦驗狀似車蓋淮南子
吾與汗漫期於九垓之上

緱山鶴

列仙傳周靈王太子晉好吹笙作鳳鳴
後告其家曰七月七日待我於緱氏山

頭及期果乘白
鶴謝時人而去

張仲素

羽客驂仙駕。將飛駐碧山。映松殘雪在。度嶺片雲還。
清唳因風遠。高姿對水閒。笙歌憶天上。城郭歎人間。
幾變霜毛潔。方殊藻質斑。迢迢烟路逸。奮翮詎能攀。

笙歌句通化本事
城郭句用了令威事詳見前鮑
昭舞鶴賦登霜毛而弄影
又鍾浮曠之蒸質

立春日曉望三素雲

修真入道秘言立春日清
朝北望有紫綠白雲為三

元君所駕之
雲名三素雲

李季何

靄靄青春曙。飛仙駕五雲。浮輪初縹緲。承蓋下氛氲。
薄影隨風度。殊容向日分。羽旄紛共遠。環佩杳猶聞。
靜合烟霞色。遙將鸞鶴羣。年年瞻此節。應許從元君。
十洲記蓬萊山圓海繞
之惟飛仙能到其處

○宣州試牕中列遠岫

謝眺宣城郡齋閑坐詩牕
中列遠岫庭際俯喬林

白居易

天靜秋山好。牕開曉翠通。遙憐峰窈窕。不隔竹朦朧。

萬點當虛室。千重疊遠空。列檐攢秀氣。綠隙助清風。

碧愛新晴後。明宜反照中。宣城郡齋在。望與古時同。

莊子虛
室生白

○律中應鐘

禮記月令孟冬
之月律中應鐘

裴次元

律窮方數寸。室暗在三重。伶管灰先動。秦正節已逢。

商聲辭玉笛。羽調入金鐘。密葉翻霜彩。輕冰斂水容。

望鴻南去絕。迎氣北來濃。願托無凋性。寒林自比松。

應鐘律四寸六分後漢律歷志候氣之法為室三重
密布緹縵呂氏春秋黃帝命伶倫取竹嶰谷為十二
笛更記歷書秦自以為獲水德之瑞正以十月
禮記月令季秋之月其音商孟冬之月其音羽

春從何處來

吳均春詠春從何處來拂水復驚梅

白行簡

欲識春生處。先從木德來。入門潛報柳。度嶺暗驚梅。透雪銀光散。消冰水鏡開。曉迎郊騎發。夜逐斗杓迴。淑氣空中變。新聲雨後催。偏能調律呂。應是候陽臺。

郊騎謂迎春於東郊之列騎。史記天官書斗杓構龍角。

省試歸馬華山

書武成歸馬於華山之陽

白行簡

牧野功成後。周王戰馬閒。馳驅休伏皂。飲齧任依山。逐日朝仍去。追風暮自還。水生疑隴坂。葉落似榆關。蹊蹠仙峰下。騰驤渭水灣。幸逢時偃武。不復鼓鼙聞。

莊子齧草飲水翹足而立馬之智也。洞冥記修彌國有馬如龍騰虛逐日。古今注秦始皇馬曰追風。卓文君白頭吟蹊蹠御溝上。潘岳藉田賦龍驤騰驤而沛艾鼓鼙見禮記。

越裳獻白翟

韓詩外傳周成王時越裳氏重九譯而至獻白雉於周公

孫昌胤

聖哲符休運。伊臯列上台。覃恩丹徼遠。入貢素輦來。北闕欣初見。南枝顧未迴。斂容殘雪淨。矯翼片雲開。馴擾將無懼。翻飛幸莫猜。甘從上苑裏。飲啄自裴回。
古今注丹徼南方之極也。古詩越鳥巢南枝。

李都尉重陽日得蘇屬國書

文選有李陵答蘇武書唐李周翰注

日漢書曰陵降後與蘇武相見匈奴中及武歸為書與陵令還漢今考漢書無武與陵書事而此題且有重陽日得書不可解唐人慣以小說家事命題不足憑也

白行簡

降虜意何如窮荒九月初三秋異鄉節一紙故人書

對酒情無極開緘思有餘感時空寂寞懷舊幾躊躇

雁盡平沙迥烟銷大漠虛登臺南望處掩淚對雙魚

古詩遺我雙鯉魚中有尺素書

○省試驪珠

莊子于金之珠必在九重之淵驪龍領下

耿 滄

是日重泉下言探徑寸珠龍鱗原不逆魚目故應殊

掌上星初滿盤中月正孤酬恩光莫及照乘色難踰

欲問投人否先論按劍無儻憐希代價敢對此冰壺

韓子龍領下有逆鱗徑尺攫之殺八尚書考靈龜魚目入珠搜神記隋侯救大蛇蛇銜珠以報徑盈寸夜光可以燭堂史記魏王有徑寸珠照車前後十二乘

○館試曉聞長樂鐘聲

按史記長樂宮懸鐘之室戴叔倫

漢苑鐘聲動秦關曙色分霜凌萬戶徹風散一城聞

已啓蓬萊殿初朝駕鷺羣虛心方應物大叩欲干雲

近雜雞人唱新傳鳧氏文能令詞翰客流聽思氛氲

唐地理志大明宮在禁苑之東龍朔二年改曰蓬萊大叩禮記學記周禮雞人夜呼旦以鬻百官又鳧氏

為鐘 干雲詳
前青雲干呂注

九月九日勤政樓下觀百寮獻壽

唐禮樂志賜
宴設醕會於

勤政樓

王涯

御氣黃花節臨軒紫陌頭早陽生綵仗霽色入仙樓

獻壽皆鵷鷺瞻天盡冕旒菊尊遇九日鳳歷肇千秋

樂並熏風起杯疑曲水流年年歌舞度此地慶皇休

王融曲水詩序時乘既位御氣之駕
翔焉禮記月令季秋之月菊有黃華

白雲起封中

漢書武帝封泰山
畫有白雲入封中

呂溫

封開白雲起漢帝坐齋宮望在泥金上疑生秘玉中

攢柯初繞繞布葉漸蒙籠日觀珠光合天門練影通

無心還出岫有勢欲凌風儻遣成膏澤從茲徧太空

尺子太山頂三峯一日日觀漢官儀太山東上七十
里至天門韓詩外傳顏回從孔子登泰山望吳門見
一匹練孔子曰馬也

主上元日夢王母獻白玉環

竹書紀年帝舜九
年西王母來朝獻

白玉環

丁澤

夢中朝上日闕下拜天顏彷彿瞻王母分明獻玉環

靈姿趨甲帳悟道契元關似見霜華白如看月彩彎

霓裳歸物外鳳歷曉人寰仙聖非相遠昭昭寤寐間

上日見書舜典漢書西域傳贊孝武造甲乙之帳王
早頭陀寺碑元關幽鍵感而遂通楚詞青雲衣兮白
霓裳左傳鳳鳥氏歷正也注鳳知天時故以名
霓裳句謂神去鳳歷句謂天曉并切元日

皇帝移晦日為中和節

唐李泌傳泌請廢正月
晦日以二月朔日為中

和節因賜大臣威
里尺謂之裁度

呂渭

皇心不向晦改節號中和淑氣同風景嘉名別詠歌

渝希移舊俗賜尺下新科歷象千年正醺醺四海多

花隨春令發鴻度歲陽過天地齊休慶歡聲欲盪波

玉燭寶典元日至晦日為醺食士女滿裙
度厄醺見禮記禮器注飲錢飲酒也

貢院樓北新栽小松

李肇國史補開元二十四
年考功郎中李昂為士子

所輕詆天子以郎署權
輕移職禮部始置貢院

錢象仲

愛此凌霜操移來獨占春貞心初得地勁節始依人

籠月烟猶薄當軒色轉新枝低無宿雨葉靜不留塵

每與芝蘭近常慙雨露均幸因逢顧盼生植及茲辰

家語與善人居如入芝蘭之室
久而不聞其香與之俱化矣

春色滿皇州

謝眺詩宛洛佳遊
遊春色滿皇州

滕邁

藹藹復悠悠春歸十二樓最明雲裏闕先滿日邊州

色媚青門外光搖紫陌頭上林榮舊樹太液鏡新流

暖帶祥烟起晴添瑞景浮陽和如啟蟄從此事芳遊

漢書郊祀志方士言黃帝時為五城十二樓以候
神人更記武帝于建章宮北治大池名太液池

○鳥散餘花落

謝眺詩魚戲新荷
動鳥散餘花落

趙存約

春曉游禽集幽庭幾樹花棲來驚艷色飛去墮晴霞
翅拂繁枝落苔看散蕊加彩雲飄玉砌絳雪下仙家
接葉音初靜迴風舞尚斜空階瞻翫久應共惜年華
漢武內傳仙家上
藥有元霜絳雪

觀淬龍泉劍

越絕書楚王召風胡子觀區冶
作劍名龍淵以其水可淬劍也

裴夷直

歐冶將成器風胡喜見逢發矚思朝玉投水化為龍

不復藏深匣終期用剗鐘蓮花生寶鏹秋日厲霜鋒

鍊質纜三尺吹毛過百重礪磨如不倦提握願長從

列子周穆王得西戎昆吾劍切玉如泥莊子干將之
劍剗鐘無聲吳均詩玉鞭蓮花劍淮南子寶劍之色
如秋霜潘尼武庫賦大刀寶劍煉質于昆吾之竈漢
書高帝以三尺取天下杜甫詩騎突劍吹生舊注引
吳越春秋干將之劍能決
吹毛遊塵按本書無此語

亞父碎玉斗

史記項羽本紀沛公鴻門宴出以
玉斗一雙獻范增增拔劍撞玉斗

裴夷直

之碎

雄謀竟不決寶玉將何愛倏爾霜刃揮霎若春冰碎
飛元勳旌旗雜響震環珮霜摧繡帳前星流錦筵內

唐詩集卷二
霸主業已虛為虜語空悔。獨有青史中英風冠千載。

此用仄韻以題無平聲字也錄以舉例

○ 緱山月夜聞王子晉吹笙

註解緱山鶴

鍾 輅

月滿緱山夜。風傳子晉笙。初聞盈谷遠。漸聽入雲清。
杳異人間曲。遙分鶴上情。孤鸞驚欲舞。萬籟寂無聲。
此夕留烟駕。何時返玉京。唯愁音響絕。曉色出都城。

桃中書元都玉京在大羅天上

○ 都堂試貢士日慶春雪

李 景

密雪分天路。羣才坐粉廊。靄空迷晝景。臨宇借寒光。

似暖花融地。無聲玉滿堂。灑詞偏誤曲。留硯不因方。

幾處曹風比。何人謝賦長。春暉早相照。莫滯九衢旁。

漢官儀省中皆胡粉塗壁日粉署老子金石滿堂誤曲用白雪意謝莊雪賦既因方而為珪又曹風以麻衣比色

○ 翰林試鶯出谷

官限春字劉禹錫嘉話錄今謂登第為遷鶯蓋本毛詩伐木十

丁四句然並無鶯字項試早鶯求友及鶯出谷詩別無証據豈非誤與

錢可復

玉律陽和變。時禽羽翮新。載飛初出谷。一嘯已驚人。
拂柳宜烟暖。衝花覺路春。迎風翻翰疾。向日弄吭頻。

求友心何切。遷喬幸有因。華林饒玉樹。棲託及芳晨。

求友遷喬並見詩小雅魏文帝紀注芳林園齊王芳即位改日華林漢武故事上起神屋前庭植玉樹

風不鳴條董仲舒太平之世風不鳴條開甲散萌而已 盧肇

習習和風至。柔條詎自鳴。暗通青律起。遠傍白蘋生。

拂樹花仍落。經林鳥不驚。幾牽蘿蔓動。潛惹柳絲輕。

入谷迷松響。開窗失竹聲。熏絃方在御。萬國仰皇情。

青律用東風入律意詳青雲干呂注風賦起於青蘋之末

○ 風不鳴條

舒元興

五緯起祥飈。無聲識聖朝。稍開含露蕊。纔轉惹烟條。

密葉應潛長。低枝且暗搖。林間鶯暗轉。花下蝶微飄。

但偃緣隄草。能扶出水苗。太平無一事。天外奏虞韶。

西京賦五緯相汁以旅於東共注金木水火土五星也

○ 飛鴻響遠音

謝靈運詩潛虬媚幽姿飛鴻響遠音

李體仁

漠漠微霜夕。翩翩出渚鴻。清聲流曠野。高韻入寥空。

逸翮經寒塞。殘音度遠風。縈雲猶類網。避月尚疑弓。

凡響雖能振。丹霄竟未通。欲知依戀意。聽取暮烟中。

○ 百官乘月早朝聽殘漏

莫宣卿

建禮儼朝冠。重門耿夜闌。碧空蟾魄度。清禁漏聲殘。

候曉車輿合。凌霜劍佩寒。星河猶皎皎。銀箭尚珊珊。

杳靄祥光起。霏微瑞氣攢。忻逢明聖代。長願接鸞鷟。

十洲記建禮門
卽尚書下舍門

○華州試月中桂 虞喜安天論俗傳
月中仙人桂樹 張喬

與月轉洪濛。扶疎萬古同。根非生下土。葉不墜秋風。
結蕊圓時足。低枝缺處空。影超羣木外。香滿一輪中。

未種丹霄口。應虛白兔宮。何時同片玉。散植在堂東。

傅咸擬天問月中何所有白兔搗藥演繁露卻一試
東堂自云桂林一枝荆山片玉東堂者晉之正殿也

○京兆府試殘月如新月 鄭谷

榮落何相似。初終却一般。猶疑和夕照。誰信墮朝寒。

水國輝華別。詩家比象難。佳人應誤拜。棲鳥反求安。

屈指期輪滿。何心謂影殘。庾樓清賞處。吟徹曙鐘看。

顏延之詩水國周地險古樂府有拜新月
篇晉庾亮傳在武昌嘗乘月夜登南樓

○御溝新柳 古今注長安有御
溝垂楊蔭其上 杜荀鶴

律到九重春。溝邊柳色新。細籠穿禁水。輕拂入朝人。

日近韶光早。天低聖澤勻。谷鶯棲未穩。宮女畫難真。

楚國空搖浪。隋隄暗惹塵。如何帝城裏。先得覆龍津。

荆楚歲時記江淮間家家種柳寒食折以插門開河
記隋大業年間開河築隄遍植楊柳名曰隋隄三秦

記昔有黑龍從南山出飲渭水駱賓王詩斜望黑龍津

○省試昆明池織女石 明字為韻 童翰卿

一片昆明石。千秋織女名。象星何皎皎。臨水更盈盈。苔掩湔裙色。波迴促杼聲。岸雲連鬢濕。沙月對眉生。有臉蓮同笑。無心鷗不驚。還如朝鏡裏。形影自分明。

古詩盈盈一水間

○風光草際浮 謝眺和徐都曹出新亭渚詩日華川上動風光草際浮 光字為韻

裴杞

澹蕩和風至。芊絲碧草長。徐吹遙撲翠。半偃乍浮光。

葉似翻宵露。藜疑扇夕陽。透迤明曲渚。照耀滿廻塘。

白芷生還暮。崇蘭泛更香。誰知攬結處。含思向餘芳。

楚詞綠蘋齊葉兮白芷生

○日暖萬年枝 年字為韻 郭求

旭日升溟海。芳枝散曙烟。溫和臨樹久。煦嫗在條偏。陽德符君惠。嘉名表聖年。似承恩渥厚。常屬棟梁賢。生植雖依地。光華只信天。不才慙弱植。徒望沐榮先。

○秋山極天淨 山字為韻 朱延齡

雨洗高秋淨。天臨大野閑。葱龍清萬象。繚繞出層山。

日落千峯上。雲銷萬壑間。綠蘿霜後翠。紅葉雨來殷。散彩輝吳甸。分形壓楚關。欲尋霄漢路。延首願登攀。

○ 出籠鵲 籠字為韻

濮陽瓘

玉鏃分花袖。金鈴出綵籠。搖心長捧日。逸翰鎮生風。一點青霄裏。千聲碧落中。星眸隨狡兔。霜爪落飛鴻。每念提攜力。常懷搏擊功。以君能惠好。不敢沒遙空。

國策心搖搖如懸旌

月華臨靜夜

沈約應王中丞詠月詩月華臨靜夜夜靜滅氛埃臨字為韻

姚合

長空埃壒滅。皎皎月華臨。色麗秋將半。光凝夜自深。九霄晴更徹。四野氣難侵。靜照遙山出。孤明列宿沈。高人應不寐。驚鵲復何心。漏盡東方曉。佳期何處尋。

西都賦軼埃壒之混濁

○ 白雲向空盡 空字為韻

焦郁

白雲生遠岫。搖曳入晴空。乘化隨舒卷。無心任始終。欲銷仍帶日。將斷不因風。勢薄飛難定。天高色易窮。影收元氣表。光滅太虛中。儻若從龍去。還施潤物功。

莊子道不游太虛注天也

秋月懸清輝

輝字為韻

蔣防

秋月凌霄漢。亭亭委素輝。山明桂花發。池滿夜珠歸。
入牖人偏攬。臨枝鵲正飛。影連平野淨。輪度曉雲微。
晶晃浮輕露。裴回映薄帷。此時千里道。延望獨依依。
陸機詩攬之不盈手
阮籍詩薄帷鑒明月

府試觀開元皇帝東封圖

唐明皇紀開元十二年十一月庚寅封於

泰開字為韻

馬戴

儼若翠華舉。登封圖乍開。晃旒明主立。冠劍侍臣陪。
迹類飛仙去。光同拜日來。粉痕疑檢玉。黛色訝生苔。

掛壁雲將起。凌風仗若迴。何年復東幸。魯叟望悠哉。

上林賦建翠華之旗漢武帝紀上登封泰山禮儀天子拜日於東門之外

奉試春漲曲江池

唐制登進士後又有試名奉試廣韻漲水大貌按題意謂

引使滿也春字為韻

黃滔

地脉寒來淺。恩波注後新。引將諸派水。別貯大都春。
幽咽疏通處。清泠迸入辰。漸平連杏岸。旋濶映樓津。
沙沒迷行徑。洲寬恣躍鱗。願當舟楫便。一附濟川人。
研北雜志久雨遇雷地脉必開司馬遷文通邑大都

襄州試白雲歸帝鄉

歸字為韻

黃滔

杳杳復霏霏。應緣有所依。不言天路遠。終望帝鄉歸。
高嶽和霜過。遙關帶月飛。漸憐雙闕近。寧恨衆山違。
陣觸銀河亂。光連粉署微。旅人隨計日。自笑比麻衣。

府試中元節觀道流步虛

樂府解題步虛道家所唱備言縹緲輕舉

之美庾信有道士步虛詞十首不用題韻

殷堯秦

元都開秘籙。白石禮先生。上界秋光淨。中元夜景清。
星辰朝帝列。鸞鶴步虛聲。玉洞花長發。珠宮月最明。
掃壇天地肅。授簡鬼神驚。儻賜刀圭藥。還成不死名。

神仙傳白石先生者黨煮白石為糧故名楚詞紫貝闕兮珠宮禮記月令孟秋天地始肅神仙傳沈義學

道於蜀老君使玉女持金案玉杯盛藥賜義曰此是神丹飲者不死夫婦各一刀圭

毛西河曰此詩不用題韻而所押第三韻又有聲字疑題是步虛聲而傳本偶脫其字者特步虛聲不得云觀而詩中月明花發又別無聽意不可解

省試龍池春草

池字為韻

陳翊

青春光鳳苑。細草徧龍池。曲渚交蘋葉。廻塘惹柳枝。
因風初冉冉。覆岸欲離離。色帶金堤靜。陰連玉樹移。
日光浮薜靡。波影動參差。豈比生幽遠。芳馨衆不知。

西京賦周以金隄招隱士蘋

薜靡注薜弱貌薜音髓

錦帶佩吳鉤

鮑照結客少年場行。魏馬金絡頭。錦帶佩吳鉤。越絕書。闔閭既重莫

邪乃命國中作金鉤

鉤字為韻

張友正

帶劍誰家子。春朝紫陌遊。結邊霞聚錦。懸處月隨鉤。綵縷迴文出。雄芒練影浮。葉依光裏艷。霜向鏑中秋。的皜宜驄馬。編爛映綺裘。應須持報國。一列月支頭。

晉書列女傳。寶滔妻蘇氏。織錦為迴文。列子。殷帝之寶劍。曰霄練。晝見影而不見光。夜見光而不見形。史記。大宛傳。匈奴取月支王頭以為飲器。

月夜梧桐葉上見寒露

寒字

戴察

蕭疎桐葉上。月白露初圓。滿庭清光滿。熒煌素彩寒。

風搖愁玉墜。枝動惜珠乾。氣冷疑秋晚。聲微覺夜闌。凝空流欲遍。潤物淨宜看。莫厭窺臨倦。將歸聚更難。

宋史樂志。金行序。晚玉露晨清。江海賦。秋露如珠。

鮫人潛織

博物志。鮫人潛居水底。織綃出人間賣之。潛字為韻。

康翊仁

珠館馮夷室。靈鮫信所潛。幽閒雲母隔。滉漾水精簾。機動龍梭躍。絲縈藕線添。七襄牛女恨。三日大人嫌。

耀日同吳練。疑冰笑越縑。無因聽札札。空想濯纖纖。

晉書陶侃傳。侃少漁于雷澤。網得織梭。掛于壁。有頃雷雨化為龍而去。古詩為焦仲卿作。三日斷五疋。大人故嫌遲。古詩。札札弄機杼。又。織織出素手。

○ 暗投明珠 鄒陽上梁王書明月之珠夜光之璧以暗投人于道衆莫不按劍相盼何

則無因而至前也。投字爲韻

崔 蔭

至寶看懷袖明珠竟暗投。向人光不定離掌勢難留。
皎澈虛靈夜孤圓冷瑩秋。乍來驚月落疾轉怕星流。
有恨同和氏無媒托蹇修。今朝感恩處將欲報隋侯。

離騷吾令蹇修以爲媒

織鳥

禮記月令戴勝降于桑注戴勝織維之鳥。韻非題字

張 何

季春三月裏戴勝下桑來。映日華冠動迎風。繡羽開
候驚蠶事晚織。向女工濯旅宿。依花定輕飛。遶樹迴

欲過高閣柳更拂小庭梅。所寄一枝在寧憂弋者猜。

莊子鷦鷯巢于深林不過一枝。楊子飛鴻冥冥弋者何慕焉

上幸皇太子新院應制

貞觀十七年太宗立子治爲皇太子嘗命太子

遊觀習射辭以非所好願奉至尊居膝下帝大喜乃營寢殿側爲別院使太子居之故有太子新院

盧 僎

佳氣曉葱葱。乾行入震宮。前星迎北極。少海被南風。

視膳銅樓下。吹笙玉座中。訓深家以正。義舉俗爲公。

父子成。劍合君臣禹。啓同仰天歌。聖道猶愧乏。雕蟲

洪範五行傳心之大星天皇也其前星太子也山海經無臯之山南望幼海注卽少海也支子古之人君從海以象其大家語舜彈五絃之琴歌南風之詩

視膳本禮記文王世子漢書太子出龍樓門注門樓上有銅龍吹笙用王子晉事庭訓深則家道以正大義舉則天下為公義君臣之義謂家天下即官天下禹之傳子即

奉和春日游龍門應制

龍門即伊闕山其上有奉先寺元和郡縣志在

河南府伊闕縣北四十五里武后萬歲通天元年幸此

武三思

鳳駕臨香地龍輿上翠微星宮含雨氣月殿抱春輝碧澗長虹下雕梁早燕歸雲疑浮寶蓋石似拂天衣

露草侵階長風花遶席飛日斜宸賞洽清吹入重闈

梁簡文荅湘東王書轉金輪於香地爾雅山未及半曰翠微天文志列星之官謝莊月賦即月殿謝靈運

詩銅陵映碧澗簡文菩提樹頌五百寶蓋勝光自舍長阿含經物利天衣重六詠景福殿賦復閣重闈

奉和幸三會寺應制

張禮遊城南記三會寺有臺俗曰迦葉佛說法臺而

傳記以為蒼頡造書臺

宋之問

六飛回玉輦雙樹謁金仙瑞鳥呈書字神龍吐浴泉

淨心遙證果睿想獨超禪塔湧香花地山圍日月天

梵音迎漏徹空樂倚雲懸今日登仁壽長看法鏡圓

漢書袁盎傳騁六飛注六馬之疾若飛回紆道之意佛經傳大士捨宅於雙樹下建寺後漢書明帝夢

金人曰西方有神名曰佛長丈六尺而黃金色帝乃遣使求佛瑞鳥句蒼頡觀鳥跡造書神龍句

寺中應有池地持論如來所起六種靜心四十二章世尊轉四諦法輪而證道果佛經人應生天上佛以

香花仙樂迎之白帖寺日日月天宮陸機書
仁壽殿前有大方銅鏡暗中為人之形體

奉和幸大薦福寺

寺在長安城南本隋煬帝潛
潘中宗為太子時居此登極
後改為寺藏翻譯佛經其東有放生
池景龍二年十二月帝遊幸有詩

宋之問

香刹中天起宸遊滿路輝乘龍太子去駕象法王歸

殿飾金人影窗搖玉女扉稍迷新草木徧識舊庭闈

水入禪心定雲從寶思飛欲知皇劫遠初拂六銖衣

支僧戴外國事迎維羅越國昔太子生時有二龍至
一吐冷水一吐暖水法華經普賢菩薩乘六牙白象

又法王無上尊魯靈光殿賦玉女窺窗而下視沈約
賦湧寶恩於珠泉皇劫見雲笈七籤即浩劫大劫

之意六銖謂天衣末謂將來歷年惟永此時王乃初服也

宴安樂公主宅得空字

睿宗八女傳安樂公主
中宗最幼女下嫁武崇

宋之問

英藩築外館愛主出王宮賓至星槎落仙來月宇空

玳梁翻賀燕金埒倚晴虹簫去秦臺裏書開魯壁中

短歌能駐日艷舞欲嬌風聞有淹留處山河滿桂叢

賓謂與宴者二句以織女嫦娥比主庾丹詩蟲飛玳
瑁梁淮南子大廈成而燕雀相賀晉書王濟編錢為

馬埒人稱金埒仙傳拾遺秦穆公女弄玉吹簫能引
鳳公為作鳳臺一日與其夫簫史並昇天去漢書魯

共王壞孔子宅開壁中絲竹聲
得古文尚書結本淮南招隱

白蓮花亭侍宴應制

亭在翠微宮

沈佺期

九日陪天仗。三秋幸禁林。霜威變高樹。雲氣落遙岑。
水殿黃花合。山亭絳葉深。珠旗夾小徑。寶馬駐清潏。
苑吏收寒果。饗人獻野禽。承歡不覺暝。遙響素秋砧。
史記公子高上書曰中廐之寶馬臣得賜之說文潏水厓也周禮凡王之好賜肉修則饗人共之玉篇砧擣石也

奉和聖製賜崔日知往潞州應制

張說

聖情留重鎮。佳氣翊興王。增戟雄都府。高車轉太常。

川橫八練瀾。山帶五龍長。連帥初恩命。天人舊紀綱。

饒塗飛御藻。闔境自生光。明生徵循吏。何年下鳳凰。

潞為明皇潛藩故云翊興王都督刺史門得榮戟漢書黃霸為刺史有治績宣帝賜車蓋高一尺以彰有德太常旂也上林賦八川分流謝眺詩澄江靜如練五龍山在潞州天人猶王人或引魏略非左傳紀綱之僕玩此句有云崔應潞府舊人

奉和聖製途經華嶽應制

張九齡

萬乘華山下。千巖雲漢中。靈居雖宥密。睿覽忽元同。
日月臨高掌。神仙仰大風。攢峯形屹屹。翊贊氣熊熊。
揆物知幽贊。銘勲表聖衷。會應陪玉檢。來此告成功。

老子知者不言言者不知是謂元同 日月謂帝神
仙謂呼子先毛女之屬史記熊熊有光漢武帝紀注
王者刻石記號有
金泥玉檢之封焉

奉和聖製送張說上集賢學士賜宴

褚琇

講習延東觀趨陪盛北宮惟師恢帝則敷教叶天工
宣室恩常異金華體更崇洞門清永日華綬接徽風
蓮降堯厨翠榴看舜酒紅文思光萬宇高議待升中
後漢書永光中帝幸東觀覽音林博選異術之士以
充其官漢書未央北宮詩師尚父史記賈誼傳文
帝方受釐坐宣室因問鬼神之事西都賦金華玉堂
帝王世紀堯厨中生肉神芝生風使食物不臭名

日蓬蒲 升中
見禮記樂記

三月三日曲江侍宴應制

相如賦注曲江在杜陵西北五里康駢劇

談錄曲江池本秦時隄州
唐開元中疏鑿為勝境

王維

萬乘親齋祭于官喜豫遊奉迎從上苑
袂襖向中流草樹連容衛山河對冕旒
畫旗搖浦潑春服滿汀洲仙籙龍媒下
神臯鳳蹕留從今億萬歲天寶紹春秋
庚信詩南宮容衛疏應劭曰籙禁苑也漢禮樂志
天馬徠公龍之媒西京賦實為地之奧區神臯廣雅
臯局也神明之界局也

奉和聖製春晚宴兩相及禮官於麗正殿探得

開字應制

集賢注記麗正殿在東宮

張說

聖政惟稽古。賓門引上才。坊因購書立。殿為集賢開。
髦彥星辰下。仙章日月回。字如龍負出。韻是鳳銜來。
庭柳餘春駐。宮鶯早夏催。喜承芸閣宴。幸捧柏梁杯。

賓門見書舜典唐藝文志明皇聚書四部以甲乙丙

丁為次列經史子集四庫龍負用伏羲事事始

季龍詔書用五色紙銜於木鳳之口魚豢典略芸香

辟蠹故藏書臺稱芸臺亦曰芸闈漢武宴柏梁臺

作栢

梁詩

同二相已下羣官樂遊園宴

二相謂張說宋璟漢書宣帝紀神爵

三年春起樂遊苑在杜陵西地

明皇帝

撰日巖廊暇。需雲宴樂初。萬方朝玉帛。千品會簪裾。
地入南山近。城分北斗餘。池塘垂柳密。原野雜花疎。
帟幕看逾暗。歌鐘聽自虛。興闌歸騎轉。還奏弼違書。
撰擇也班昭賦撰良辰而將行漢書董仲舒傳遊於巖廊之上注巖峻之廊也需雲見易需卦國語天子有千品萬官南山即終南山漢元帝紀帝初築長安城南為南斗形北為北斗形周禮帟人張帷幕帟文子凡聽之理虛心清淨二句互文開合弼違見書益稷有外物蔽而明聰不滯意

清幽殿閣凌虛矗松槐夾道稠承

綸心已肅給饌禮殊優

帝重西清選班聯東觀儔追隨通曲徑覽眺忽平疇勤政知無逸綏豐兆有秋

頌題崇正學作賦厠風流列坐環金鏡銘

恩醉玉甌臣心依

黼座

天語出龍樓異數真難並微涓愧莫酬

日下舊聞西苑瑤華島上有四殿曰瀛洲唐孔安紹詩畫舫烟中淺杜詩青簾自舫益州來蘇史金海

橋之北殿曰玉熙宮曰承華殿戴司成集瓊花島古檜喬松紫紆蔭鬱隱然仙府也楊雄甘泉賦浴方皇乎西清唐類函漢詔羣儒于東觀于是苟悅作東觀記陶詩平疇交遠風日下舊聞世宗初建無逸殿于西苑以重農務時率大臣遊宴其中詩周頌綏萬邦屢豐年書盤庚若農服田力穡乃亦有秋季賀詩天上分金鏡漢書注銅龍門上有樓

乾清宮

御試閱農

高士奇

律紀三光盛乾行

六御均觀苗臨上陌問俗歷層闈慮切閭閻隱心周蒞屋

貧普天方

賜復。野日更勤。民河柳承。芝蓋林花。拂畫輪。草香堤路遠。
燕舞野塘新。田峻迎皆喜。山農望亦頻。含茲知

帝力渥澤沛新

綸稼穡勞清蹕。耘耔感

聖人無私成大化。有歲協時

巡比戶年堪祝。隨車雨必旬。欣瞻

堯舜治。珥筆愧儒臣。

晉天文志三光掩映以為晝夜易乾卦時乘六龍以
御天庾信華林園馬射賦落花與芝蓋齊飛唐輿服
志玉輅左畫青龍右畫白獸周禮鄭注三農山農澤
農平地農後漢書百官志為徐州刺史出巡處甘雨

輒謝東海祝其合鄉二縣父老
訴言乃迴車赴之雨隨車而下

賦得折檻旌直臣

王會汾

朱子綱目安昌侯張禹雖家居以特進為天
子師時吏民上書譏切王氏專政上辟左右
親以示禹禹恐為王氏所怨謂上曰鄙儒之
言宜無信用上由是不疑王氏槐里令朱雲
上書求見願賜尚方斬馬劍斷佞臣一人頭
以厲其餘上問誰也對曰安昌侯張禹上大
怒曰小臣居下廷辱師傅罪不赦御史將雲
下雲攀殿檻檻折將軍辛慶忌叩頭曰此臣
素著狂直固當容之上意解及後當
治檻上曰勿易因而輯之以旌直臣

炎靈方御宇紫殿儼垂旃鹿角猶堪折龍鱗孰敢捐
劇憐孤賤士乃叶地天爰勁節森千載危言動四郊

酬恩徒請劍古象類焚巢道在神明助誠通黼座交
一時容骨鯁終古謝談嘲丹檻無勞葺澄源賴寸膠
應邵史記注赤帝堯後謂漢也漢初謂土德後光武
改定火德杜詩千家注唐以紫宸殿為大朝漢書少
府五鹿充宗貴幸為梁邱易元帝好之令與諸易家
論諸儒莫能抗有薦朱雲者召入攝齊升堂抗首而
請音動左右故諸儒為之語曰五鹿嶽嶽朱雲折其
角易泰卦泰小往大來吉亨則是天地交而萬物通
也上下交而其志同也象曰天地交泰○請劍見題
注易旅卦九三旅焚其巢儀禮注乾魚近腴多骨鯁
後漢來歙傳大中大夫段襄骨鯁可
任抱朴子寸膠不能理黃河之濁

萬壽節早朝恭紀

劉廷璣

麗日懸雙闕卿雲徧八埏北辰高軼蕩南極映昭回
一笑天開電羣呼地動雷層霄輝玉燭率土進霞杯
長樂春方暖含元曉漸開

彤墀花燦燦

璿砌月皚皚有喜

龍顏近無譁鷺序催摠衣蠶食葉屏氣馬啣枚劍佩既盈

矣乾坤此盛哉萬三千里外二十五年來武德窮瀛
渤文光逼斗魁書祥雲匝匝銘烈岱崔嵬鰲背安于
砥鴻波釀若醅上公遙拜舞外吏幸追陪

帝錫長生酒臣慚作賦才帽分金殿柳袖壓玉階苔葵性

原依

日芹誠欲獻瑰萬年桃一顆遠捧自天台

漢樂府洛陽城東雙員闕路史于時卿雲叢叢說文入垓兼垓八極地也詩雲漢倬彼雲漢昭回于天列仙傳玉女與東海公投壺臬脫不中者天為之笑流而為電杜詩每蒙天一笑易豫卦雷出地奮豫唐裴度傳懽聲如雷唐類函四時和謂之玉燭王元之詩君王又進紫霞杯舊唐地理志大明宮在西內之東北正殿曰含元殿漢長樂宮見前杜詩天顏有喜近臣知路史有虞氏大上員首龍顏日衡史始皇本紀秦以蠶食六國歐陽修秋聲賦如御杖疾走不聞號令但聞人馬之行聲原注古云幅員萬三千里原注時康熙二十五年方輿記涪州古之瀛州隸渤海郡天文志斗首四星為魁柄為杓魁方為曲類苑至日太史登臺以書雲物之祥通也玉者登泰山勒石以紀成功列子東海有五山帝使巨鼈一十五抃首戴之

李詩金殿鎖鴛鴦西都賦玉階金池列子宋人有食芹子而美者獻于富人富人食之嘶于口捧于腹鄭至道劉阮洞記天台山鳴玉澗有鳩榘梳數畝此即昔人食仙桃輕舉地也赤城志天台山南有崑崙桃

院中宿直

湯 斌

清切推

丹地瞻依近

紫宸

龍池鐘漏晚

鳳閣月華新渠水流霜影

宮雲澹玉津

聖皇開治象。元化正含淳。幸備班行後。叨承異數頻。端貞期拜獻。樛散愧冠紳。年老才將盡。憂多道轉親。夜深星斗濶。始悟與天鄰。

漢官儀禁中皆以丹漆畫地杜詩千家注唐宸殿大朝也在大明宮內一統志龍首池在唐內苑東唐職官志門下省天后時改為鳳閣路史天皇氏人風真淳莊子注樛散材也與天鄰見莊子與天而為徒

○賦得月彩靜高深

蔡新

皓月中宵滿。金波入夜深。團團生海上。皎皎到天心。朗耀通清漢。虛明動遠岑。蟾精騰五彩。桂影聳千尋。映水光還潤。依崖景有陰。聲隨銀漏寂。色向玉階侵。

懸象羣瞻仰。容光盡照臨。閑庭欣

睿賞樂意洽

宸襟

漢樂府月穆穆以金波唐如滿中秋月詩團團生海嶠選詩海上生明月邵子月到天心處風來水面時春秋孔演圖蟾蜍月精也安天論俗傳月中有仙人桂樹漢武帝秋風辭銀箭金壺漏水多西都賦玉階

○賦得風動萬年枝

竇光胤

不爭羣卉艷。獨以萬年名。日暖冬枝秀。風吹夏景清。參差翻夕照。搖曳趁朝晴。動處條微拂。過時鳥不驚。

根莖隨地固花葉信天榮。小草叨噓植持將答。

聖明。

晉宮閣記華林園有萬年樹十五株圖經本草冬青一名萬年樹此木負霜青翠振柯凌風故清士欽其質世說問謝公遠志何以亦名小草答曰在山為小草出山則為遠志

賦得薰風自南來

鄒一桂

瑞氣迎三伏祥光動九垓黃雲翻隴麥翠幄卷宮槐爽逼西山近涼穿北牖迴披襟閑羽扇迎面拂金壘

與命敷南極離光耀上台八方同鼓吹萬籟感滋培曰

聖惟思範稱雄愧乏才賡歌揚

帝治常頌阜民財

歷忌釋立秋以金伐火金忌火故至庚日必伏禮月金孟夏之月麥秋至世說西山潮來大有爽氣陶潛與子書五六月中北牖下臥涼風暫至自謂羲皇上人宋玉風賦楚王游于蘭臺之宮有風颯然而至王披襟而當之晉中興徵說舊羽扇扇用十毛王敦始改用八羽翮詩卷耳我姑酌彼金壘易與卦彖曰重巽以申命象曰隨風巽宋天文志南極一星初學辨體火炎上離爻下常附上晉天文志三台六星近文昌為上台司命論語疏八風服虔以為八卦之風莊子子游曰敢問天籟子綦曰天吹萬不同書洪範思曰睿睿作聖曰聖時風若宋玉風賦此大王之雄風也尚書大傳舜揮五絃之琴歌南風之詩曰南風之時兮可以阜吾民之財兮

賦得雲在意俱遲

顧汝修

檻外遲留意。閑看嶺上雲。欲行猶似住。乍合又旋分。
坐愛垂天勢。頻瞻捧日文。疑眸思鬢鬢。息慮對纈纈。
逸興凌山巘。遙心送鳥羣。瀛州相賞處。徒倚到斜曛。
莊子翼若垂天之雲。舊唐平宗本紀封泰山還坐齋宮有慶雲抱日。舊唐書太宗選杜如晦等十八人為學士時號登瀛州。

摩寫虛字可為神品

賦得平秩南訛

李因培

調和資

聖化長養命炎宮。物以平均盛思緣。秩敘輝薰風流玉軫。

靈雨過雕闌。標水鷗飛白。耕雲日漾丹。纔知稱夏假。
卽此見貞觀。鑽杏新分火。登蠶早織紈。桐生真靡訛。
蕤繼諒無難。欲識南訛力。堯階宇宙寬。

書堯典平秩南訛注訛化也南方化育之事也。太公金匱六月天務覆施地務長養尚書蔡傳平均秩序作起也。互見上注。易繫辭天地之道貞觀者也。時訓夏取棗杏之火。禮月令孟夏之月蠶事既登。路史陶唐紀梧桐挺于東廂。禮月令仲夏之月律中蕤賓。

清思秀緒直。匹輞川而指歸。一以經語則又非大備不能。

賦得晨光動

翠華

盧文弨

虬漏聞

清禁

鑾輿出

紫宸明星低羽騎。濃露浥鉤陳隱約。

龍樓曉霏微。

鳳輦春

暮曉色妙過賈舍人早朝

霓旌纔辨色日馭正凌晨宿鳥衝

仙仗晴雲護錦闥煙消開廣陌雲霽靜游塵五夜心何

切分陰意倍珍光華歌復旦望幸慰臣民

西都賦于是乘鑾輿備法駕

向秦詩小雅零露漙漙楊雄甘泉賦伏句陳使當兵

漢書注銅龍門樓上有銅龍二枚唐輿服志金鳳一

在軾前上林賦拖電旌靡雲旂山海經羲和東方國

也每日將出則二國人為御以升諸太虛漢官儀黃

門持五夜晉書陶侃曰大禹惜寸陰吾輩當惜分陰

帝王世紀舜時景星出慶雲輿百工相和而歌日日

月華光旦復旦兮

瀛臺侍宴用唐李嶠甘露殿應制韻分賦得橋

字 沈德潛

行殿聳岩巖筵開坐九霄君臣同樂豈聲振協簫韶

法酒三漿泛官廚五味調恩魚跳玉尺仙柳拂紅橋

已聽歌行葦還聞賦蓼蕭宴餘寬禮數許蕩水蘭橈

白虎通天子行幸日行在宮日行宮采之問詩鷺嶺
鬱岩堯詩魚藻王在在鑄飲酒樂豈孟子金聲而玉
振之者也書益稷蕭韶九成鳳凰來儀唐蘇味道詩
玉女三漿捧帝壺張晏漢書注天有六氣地有五味
楊廷秀鱸魚詩買來玉尺如何短元林子羽詩王鞭
催馬上紅橋詩行葦敦彼行葦牛羊勿踐履詩蓼蕭
蓼彼蕭斯零露漙兮圖經本草木蘭高者數丈可為舟楫

著墨不多而駢遣之工儷妃之確已盡四聲能事
匹諸三唐有過無不及也

賜宴瀛臺用唐臣李嶠甘露殿侍宴詩分韻得賞字

鄒一桂

聖敬召天和清時足俯仰百昌會休明萬化遂生養賡

歌聯喜起侍從液歡賞玉笋開綺筵金風薦秋爽受
天德惟一宴鑄事非兩拜手祝屢豐玉燭永輝朗

書商頌聖敬日躋書益稷乃歌曰股肱喜哉元首起
哉梁元帝纂要秋風曰金風商書惟伊尹暨湯咸天
明命詩魚藻王在在鑄豈樂飲酒詩周頌
緩萬邦屢萬年金樓子四時和謂之玉燭

乙酉春日

聖駕南巡敬擬應制

視河

王錫

象闕辭千里龍帆闕九河神鴉隨桂楫水豹避雕戈
一路榮光見三春淑氣和桃花消駭浪竹櫂障洪波

舟喜魚重躍。圖看馬再馱。青旗翻細柳。錦纜解平莎。瞻洛輕周雅。橫汾陋漢歌。風來低燕雀。日出散龜鼈。

客任乘槎去。人誰投壁過。戶無蛙產窟。堤絕蟻營窠。

蕩析災應少。平成績不磨。帝堯方刻玉。賈第詎云多。

帝王世記太史終古抱黃圖伏於象魏之闕百虎通千里京師之邑號也象日月之徑千里書禹貢九河既道爾雅一徙駭二太史三馬頰四覆釜五胡蘇六簡潔七鉤盤八高津一則經流杜詩迎棹舞神鴉楚詞九歌桂棹兮蘭枻廣博物志水豹似馬銜而無角能食人更南越傳故歸義越侯三人為戈船下厲將軍張晏注越人於水中負人船又有蛟龍之害故置戈于船下因以為名也路史堯紀擇良議沉仲月辛日昃明禮備榮光出河休氣四塞新論河水濁二三月桃花水至則決庾信詩春水望桃花漢溝洫志河

決瓠子取洪圖之竹以為體史周本紀武王渡河下龍馬負圖而出河遂則其文以畫八卦禮月令孟春之月天子載青旂庾信華林園馬射賦楊柳共春旂一色萬花谷甘寧以錦纜船每去則斷之以示奢庾信詩錦纜迴沙磧詩小雅瞻彼洛矣維水泱泱漢武故事帝幸汾陰祠后土橫汾中流見京邑忻然作秋風辭竹書紀年周穆王東至九江叱龍鼈為梁而渡之博物志昔有居海上者每年八月有浮槎來資一年糧乘之奄至一處見婦人織丈夫牽牛者次飲之歸問巖君平君平曰曩有客星犯斗牛即此人到天河時也水經注昔澹臺子羽齋千金之璧渡河兩蛟挾舟子羽搦劍斬蛟蛟死波休乃投璧于河示無恡意通鑑智伯決水灌晉陽城不沒者三板皆沉竈產蛙韓子千丈之隄以蟻穴而潰書大禹謨帝曰俞地平天成庾信華林園馬射賦堯以仲春之月刻玉而遊河漢溝洫志哀帝時賈讓奏言治河有上中下三策

擬

駕幸西湖應制

王錫

六飛臨海甸萬騎

幸湖濱竹暗龍泓曉花明鶯嶺春雲扶

丹轂穩日麗

翠華新天樂喧歌鳥王舟釣錦鱗歲

巡追舜典時邁動周輪

御酒觴儀衛

宸章賜近臣

德威加岳牧

恩澤徧黎民試聽康衢畔應多擊壤人

浙江通志龍泓洞在錢塘縣靈隱山吳赤烏二年葛仙翁于此得道有石洞徹浙江下過蕭山杭州府志靈鷲峰在下天竺寺後

恭和

御製駐蹕

聖祖避暑山莊元韻

張鵬翀

圖畫識仙園巡游俯舊原今時繩

祖武當日抱神孫慈竹題金管喬松駐紺轅軒開千嶂合

樹杪百泉奔。人恨音容邈。迴思雨露繁。留詒芳澤永。登眺遠懷存。撫物人如覩。賔詩世可論。重華光奕葉。

小草總承恩。

詩下武昭茲來許繩其祖武禮記君子抱孫不抱子
韓平淮西碑聖子神孫羣芳譜慈竹一名桃枝竹冬
則笋生于外以衛其母文房譜梁湘東王筆有三品
德行全者用金管書之六帖伯禽見南山之松仰而
喬潘岳籍田賦綴紺轅于黛耜書舜典曰若稽古帝
舜曰重華世說武人問謝太傅何以遠志亦名為小草
謝答曰出為遠
志在山為小草

聖駕東巡盛京恭謁

祖陵大禮慶成詩

王居正

